



**Direktoratet for mineralforvaltning**  
med Bergmeisteren for Svalbard

Adresseinformasjon fylles inn ved ekspedering.  
Se mottakerliste nedenfor.

Dato: 11.05.2021  
Vår ref: 21/00263-7  
Deres ref:

## **Tildeling av driftskonsesjon etter minerallova for Dyrshaugen i Sunnfjord kommune. Tiltakshavar: Magne Hafstad AS**

### **POST- OG BESØKSADRESSE**

Ladebekken 50  
7066 Trondheim

**TELEFON** +47 73 90 46 00

**E-POST** post@dirmin.no

**WEB** www.dirmin.no

**GIRO** 7694.05.05883

**SWIFT** DNBNOKK

**IBAN** NO5376940505883

**ORG.NR.** NO 974 760 282

### **SVALBARDKONTOR**

**TELEFON** +47 79 02 12 92

### **1. Tildeling av driftskonsesjon**

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 13.01.2021 frå Magne Hafstad AS, org. nr. 974 536 935. Magne Hafstad AS, org. nr. 974 536 935, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av fast fjell i Dyrshaugen på eigedomen gnr./bnr. 60/246 i Sunnfjord kommune. Eigdomen har tidlegare hatt gnr./bnr. 60/1. Mineralførekomensten høyrer til kategorien mineral som grunneigaren eig.

Konsesjonsområdet har eit areal på kring 17 daa og går fram av vedlagte kart, sjå vedlegg 1.

Etter reguleringsplan «Dyrshaugen Næringsområde», med planID 4647\_143220160001 er området regulert til «Steinbrot og masseuttak BMS».

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

### **2. Vilkår for driftskonsesjonen**

Konsesjonen blir gjeven på desse vilkåra:

#### **2.1. Driftsplan**

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

## **2.2. Økonomisk sikkerheit**

Tiltakshavaren blir pålagd å stille økonomisk sikkerheit med NOK 350 000 som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Før drifta startar skal Tiltakshavaren ha:

- (i) inngått ein avtale om finansiell sikkerheit med DMF, vedlegg 2;
- (ii) lagt fram påkravsgaranti frå bank som DMF vurderer som tilfredsstillande, vedlegg 3;
- (iii) etablert pantet til fordel for DMF, jf. pantelova §§ 4-4 til 4-6, vedlegg 4.

## **2.3. Bergteknisk ansvarleg**

Det skal utan grunnlaust opphold sendast skriftleg melding til DMF om alle skifte av bergteknisk ansvarleg for eit uttak.

## **2.4. Andre vilkår**

- Før oppstart av drift skal konsesjonsgrensa for massetaket setjast ut eller blir markert i terrenget, slik at den er lett synleg gjennom heile driftsperioden.

## **3. Godkjenning av driftsplan**

DMF godkjenner driftsplanen for Dyrshaugen steinbrot. Den godkjende versjonen av driftsplanen ligg ved dette konsesjonsvedtaket.

## **4. Høyringsfråsegner med kommentarar frå DMF**

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Statens Vegvesen Region Vest, Statsforvaltaren Vestland, NVE Region Vest, BKK Nett AS, Sunnfjord Kommune, Vestland Fylkeskommune, samt aktuelle naboor.

Høyringsperioden var frå 16. mars 2021 til 16. april 2021.

Frå høyringsfråsegnene har DMF særleg merkt seg dette:

NVE Region Vest:

NVE føreset at tiltaket vert utført innanfor rammene av gjeldande reguleringsplan for Dyrshaugen næringsområde (2018) og har ikkje ytterlegare kommentarar til saka.

*DMFs kommentar:*



*DMF tar fråsegnet til etterretning.*

Sunnfjord Kommune:

Kommunen føreset at uttaket skjer innanfor regulert område i samsvar med føresegnehøvda i detaljreguleringsplanen.

Kommunen viser også til at Magne Hafstad AS den 17. desember 2020 fekk driftskonsesjon etter minerallova for Hafstad massetak for uttak av ca. 500 000 m<sup>3</sup>. Andre masseuttak nær Førde sentrum, m.a. Bruland sandtak og Vie sandtak, har vore i drift over fleire tiår. I tillegg skal det starte arbeid med veggutelling som vil gje store steinmassar nær sentrum. Vi kan ikkje sjå at det er gjort nokon vurdering av behovet for denne type stein i søknaden. Vi meiner det er viktig at eksisterande masseuttak vert avslutta og sett i stand før nye uttak vert opna. Dersom denne type stein kan takast ut frå eksisterande masseuttak, oppmodar vi om at dette vert gjort før nye masseuttak vert opna.

*DMFs kommentar:*

*Tiltakshavar har fått høyringsfråsegnet til gjennomsyn og kommentar. Tiltakshavar kommenterer at reguleringsplanen vart vedteken bl.a. på bakgrunn av tilhøva på naboeigeomen. Driftstida og planlagt etterbruk tilseier at massane sprengast ut no, før naboareal bebyggast. Nærrområdet treng også store mengde pukk, grus og singel, samtidig som sand frå Vie og Bruland som brukast til betongtilslag ikkje er eigna til veianlegg.*

*DMF føreset at tiltaket blir gjort innanfor rammene av gjeldande reguleringsplan, og viser til at det er kommunen som tar stilling til arealbruken.*

Statens Vegvesen region vest:

Statens vegvesen uttaler bl.a. at: «Tiltaket det er søkt om konsesjon for må nyte eksisterande kryss frå Dyrshaugen Næringsområde. Det må ikkje pårekna at det vert gitt løyve til nye avkjørsler frå E39 til konsesjonsområdet. Konsesjonssøkjar må og syte for tiltak for å unngå at drifta forureinar, dette gjeld m.a. til E39 og langsgåande gang-/sykkelveg. Byggegrenser i reguleringsplan/veglova må respekterast».

*DMFs kommentar:*

*DMF oppmodar til dialog mellom tiltakshavar og vegeigar.*

Statsforvaltaren i Vestland:

Statsforvaltaren har følgande kommentar til tiltakshavars drift:

**Omsyn til sandsvale**

Sandsvale (NT – nær truga) er ein art som ofte hekkar i masseuttak med finkorna sand. Arten er ikkje registrert hekkande i området i dag, men kan etablere seg dersom drifta av masseuttaket skapar eigna hekkeplassar. Sandsvala hekkar i større eller mindre koloniar, ofte i sandtak med bratte skjeringar, der kvart par grev ut eit hol dei plasserer reiret sitt i. Naturmangfaldlova slår fast at ein ved ein kvar aktivitet skal unngå unødig skade og liding på villevande dyr og deira reir, bo eller hi, jf. § 15. Sandvalene si hekketid strekkjer seg frå sein i mai til langt ut i august. I denne perioden bør ein sjå etter reirhol (slike ligg ofta øvst i skjeringa), og unngå å øydelegge skjeringa dersom reirhol blir oppdaga.

**Det er forbode med partikkelavranning til vassdrag**

Uttak av mineral kan vere forureinande. Forureningslova slår fast at det er forbode å forureine. Vi føreset at verksemda ikkje har avrenning av partiklar til vassdrag.



### **Handtering av mineralavfall**

Kapittel 17 i avfallsforskrifta handlar om handtering av mineralavfall. I eit eventuelt driftsløyve bør det nemnast at verksemda må etterkome reglane i forskrifta viss det oppstår mineralavfall ved verksemda.

### **Regulering av knuseverk**

I høyringsdokumenta går det fram at det skal etablerast eit knuseverk på staden. Vi minner om at for knuseverk gjeld kapittel 30 i forureiningsforskrifta om forureining frå produksjon av pukk, grus, sand og singel. Kapittelet set krav til utslepp til vatn, støy og støv. Statsforvaltaren skal ha melding om knuseverk i god tid før oppstart. Det er eit eige skjema på våre nettsider som kan nyttast som meldeskjema.

### **DMFs kommentar:**

*Søknaden om driftskonsesjon gjeld fast fjell. Det vart difor stilt ikkje vilkår om tilrettelegginga av masseuttaket for sandsvale.*

*Til dei øvrige punktane, viser DMF til forureiningsforskrifta kapittel 30. Det visast også til at tildeling av driftskonsesjon ikkje erstattar anna lovverk, jf vedtakets punkt 1.*

## **5. Korleis DMF vurderer søknaden om driftskonsesjon**

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m<sup>3</sup> masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnsmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkeren er "skikka" til å utvinne førekomensten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomensten. I vurderinga av om det skal gjevest driftskonsesjon skal det òg leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

### **5.1 Utvinningsrett**

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomensten. Tiltakshavaren har i søknadsprosessen lagt fram ein avtale/avtalar med grunneigaren/grunneigarane for



gnr/bnr 60/246 (endra frå tidlegare 60/1), datert 6. januar 2021 som dokumentasjon for utvinningsrett.

Avtalen/Avtalane gjev Tiltakshavaren utvinningsrett til førekomenst på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomensten.

## 5.2 Arealstatus for tiltaket

Konsesjonsområdet har eit areal på kring 17 daa og går fram av kart over konsesjonsområde.

Etter reguleringsplan «Dyrshaugen Næringsområde», med planID 4647\_143220160001 er området regulert til «Steinbrot og masseuttak BMS».

## 5.3 Økonomien i prosjektet

DMF har vurdert den vedlagde informasjonen om økonomien i prosjektet. Etter DMF si vurdering er prosjektet økonomisk gjennomførbart.

## 5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomensten innanfor arealet på 17 dekar som søknaden gjeld. Det totale volumet fast fjell som skal takast ut er estimert til 90 000 m<sup>3</sup>. Det årlege uttaket vil variere med marknaden, men det planlagde uttaket per år er 20 000 faste m<sup>3</sup>. Det er planlagt drift i ein etappe. Utdrivne område som ikkje trengst i den vidare drifta, skal setjast i stand fortløpande. Det blir òg presentert ein plan for sikring og avslutting. Planen er å føre brotområdet tilbake til næringsareal.

Etter DMF si vurdering kan den vedlagde versjonen av driftsplan for Dyrshaugen steinbrot godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom



Tiltakshavaren ønskjer å gjøre vesentlege avvik fra driftsplanen, skal DMF godkjenne dette på førehand.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

### **5.5 Bergfagleg forsvarleg drift**

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

### **5.6 Kva kompetanse søkeren har til å drive førekomensten**

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Magne Hafstad som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

I tillegg har søkeren opplyst at desse personane med teknisk og bergfagleg kompetanse arbeider i føretaket:

- Morten Hafstad
- Stig Varøystrand

Etter DMF si vurdering har Tiltakshavaren tilstrekkeleg kompetanse til å drive førekomensten.

### **5.7 Miljøkonsekvensar av utvinninga**

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein godkjend reguleringsplan for uttaket.

#### *Vurdering etter naturmangfaldlova*

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§



8–12. Reguleringsplanen, høyringsfråsegner og eigne søk i Naturbase og Artskart er lagde til grunn for vurderingane etter naturmangfaldlova i DMF si handsaming av søknaden. Det er ikkje kome fram opplysningar i vurderingsgrunnlaget som tyder på at uttaket vil kome i konflikt med naturverdiar i området. DMF reknar kunnskapskravet i naturmangfaldlova § 8 for oppfylt. Sidan uttaket ikkje vil ha nokon større verknad på naturmangfaldet og ein ikkje kan påvise at tiltaket vil påverke truga, nær truga eller verdifull natur, legg DMF til grunn at det ikkje er nødvendig å gjere vidare vurderingar etter miljøprinsippa i naturmangfaldlova §§ 9–12.

På bakgrunn av det som er omtala ovanfor har DMF kome til at det ikkje finst faktorar knytte til miljø og kulturminne som tilseier at det ikkje skal gjevast driftskonsesjon eller at det er nødvendig å setje vilkår om avbøtande tiltak.

### **5.8 Tilhøvet til omgivnadene og nærliggjande område under drift**

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Steinbrotet skal til ei kvar tid vere forsvarleg sikra slik at det ikkje er til fare for menneske og dyr. Med sikring meinast både tiltak for å avverje fare for omgjevnaden og tiltak for å trygge forholda internt i uttaket. Behov for sikring skal vurderast fortløpende under hele driftsperioden. Innanfor LL1 i gjeldande reguleringsplan skal det etablerast sikringsgjerde i samsvar med uttakskartet.

DMF har kome til at dette ikkje er avgjerande moment som talar mot å innvilge konsesjon.

### **5.9 Kva tiltaket får å seie for verdiskaping og næringsutvikling**

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeraストoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Det er i all hovudsak fast fjell som skal takast ut for knusing innanfor området, til ulike fraksjonar, for eigen bruk og sal. Dette skal nyttast til bygge- og anleggsformål.

### **5.10 Langsiktig planlegging for etterbruk eller tilbakeføring av området**

Når drifta er avslutta og området er sett i stand, går området over til næringsareal. Innanfor området GV1 (vegetasjonsskjerm mellom E39 og steinbrot) skal eksisterande terreng, vegetasjon og markdekke i størst mogleg grad bevarast. Det tillatast inngrep i sona, men området skal etter inngrep reetablerast som vegetasjonsskjerm.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.



## 5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Tiltakshavar sitt forslag baserar seg på kostnadene til sikringsgjerde, fjerning av mellombelse konstruksjonar og anna avfall i tillegg til sång av frø.

### 5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 350 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

### 5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

#### *Bankgaranti – oppstartsfasen*

DMF vurderer det som nødvendig at Tiltakshavaren, før drifta startar, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000. Dette er nødvendig for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemd; og
- (iii) Dersom konsesjonen blir trekt attende.



Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldende etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000. Når beløpet på bankkontoen har nådd NOK 300 000, eller tidlegare etter skriftleg samtykkje frå DMF, fell plikta til bankgaranti bort.

#### *Individuell avsetjing, avsetjingsperiode og storleiken på avsetjinga*

Deretter skal Tiltakshavaren setje inn midlar på bankkontoen årleg fram til totalbeløpet på NOK 350 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 1,62 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 4 år, det vil seie NOK 87 500 per år. I søknaden er det rekna med eit uttak på 20 000 m<sup>3</sup>/år, tilsvarande om lag 54 000 tonn/år, noko som gjev ei årleg avsetjing på NOK 1,62 per tonn.

Innbetalinga for masseuttaket må vere avsett innan 1. februar året etter.

#### **5.11.3. Rapportering og dokumentasjon**

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphald.

DMF kan òg ha behov for meir rapportering og dokumentering enn det som er skildra over, og finn det difor nødvendig å pålegge Tiltakshavaren plikter i så måte i konsesjonsvilkåra.

#### **5.11.4. Justering av sikkerheita**

Etter forskrift til minerallova § 2-3 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

### **6. Kor lenge driftskonsesjonen gjeld**

Driftskonsesjonen kan reviderast etter 10 år.



Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekjoms av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

## 7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

### Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

### Drifta skal utførast med varsemد

Drifta skal utførast med varsemد, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

### Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

### Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekjomsen blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

### Rapportering

Tiltakshavaren skal sende årleg driftsrapport til DMF via «Min side» på [dirmin.no](http://dirmin.no).

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.



## 8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på [www.dirmin.no](http://www.dirmin.no). Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Unni Garberg  
seksjonssjef

Vegard Nymoen  
rådgiver

*Dokumentet er elektronisk signert og har difor ikkje handskrivne signaturar.*  
Sakshandsamar: Vegard Nymoen

Vedlegg:

Vedlegg 1 Konsesjonsområde for Dyrshaugen steinbrot

Vedlegg 2 Avtale om bankgaranti og individuell fondsavsetning Dyrshaugen

Vedlegg 3 Påkravsgaranti Dyrshaugen

Vedlegg 4 Pantsettelseserklæring Dyrshaugen

Vedlegg 5 Driftsplan for Dyrshaugen steinbrot

Mottakarar:

Magne Hafstad AS                          Hafstadvegen 72                          6800 FØRDE

Kopi til:

Statens vegvesen Region vest              Postboks 43                          6861 LEIKANGER

Statsforvalteren i Vestland                Njøsavegen 2                          6863 LEIKANGER

BKK Nett AS                                  Postboks 7050                          5020 BERGEN

Sunnfjord kommune                          Postboks 338                          6802 FØRDE

Vestland fylkeskommune                    Postboks 7900                          5020 BERGEN